

Tlamachtilmej para Toteki akinmej tikchiuaj ken Cristo

7-13 DE MARZO

KEN TECHPALEUIA BIBLIA | 1 SAMUEL 12, 13

“Techpanos tlen amo kuali tla amo tiyolyamankej”

w00-S 1/8 pág. 13 párr. 17

Techpanos tlen amo kuali tla timoueyinekij

¹⁷ Xamo uelis timokuayejyekoskej kuali okatka tlen okichi Saúl. Israelitas omomojtiajay uan hasta ouiuikayaj porque kinteuiskiaj (1 Samuel 13:6, 7). Amo tlajtlakoli tla tejuan tikchiuaj seki tlamantli ijkuak moneki (1 Samuel 16:7). Pero ma tikilnamikikan Jehová kita tlen tikpiaj itech toyolo, tlen tikmachiliaj uan tlen timokuayejyekouaj. Ik non, xamo Jehová okitak Saúl yokichiuaya seki tlamantli tlen Biblia amo kijtousa. Xamo noijki okitak omoueyinekiaya, ik non, san niman itlaj okichijtikiski. Xamo noijki sapanoua okualantoka porque ye okatka tekiua uan omonekiaya kichias iprofeta Jehová akin yokipiaya miak xiuitl uan yolik okichiuaya seki tlamantli. Saúl omokuayejyekouaya Samuel ouejkajto-ka. ¿Tlen opanok satepan? Samuel amo okipakti tlen okichi Saúl, ye okajuak uan okilui: “Motekiuajkayo amo uejkauas [...] porque te amo otikchi tlen Jehová omitsnauati” (1 Samuel 13:13, 14). Tla timoueyinekij techpanos tlen amo kuali.

w20.08 pág. 10 párr. 11

“Xiyeto yolyamanki ixpan moDios”

¹¹ Ma timokuayejyekokan tlen okipanok **tekiua Saúl**. Amo omoueyinekiaya ijkuak okatka telpochtli uan okijto amo kiseliskia tekittl tlen okimakakej porque ye okimachiliaya amitlaj ipati (1 Sam. 9:21; 10:20-22). Pero ijkuak yokatka tekiua omoueyineki uan itlaj okichi tlen amo okinamikiaja kichiuas. Se to-

nal, omosotla ijkuak amo oejkoya profeta Samuel. Omoueyineki uan amo okineltokak Jehová kipaleuiskia ialtepe. Okitemakak se tlamantli maski amo okinamikiaja ye kite-makas. Ik non, Jehová okijto ayakmo yetoskia tekiua (1 Sam. 13:8-14). Non techmach-tia amo ma tikchiuakan tlen amo toteki.

Ma tiktemokan ken techpaleuia Biblia

w11-S 15/7 pág. 13 párr. 15

¿Tikkauiliskej Jehová ma techyekana?

¹⁵ ¿Xamo israelitas omokuayejyekouayaj tla kinnauatiskia se tlakatl okachi kinpaleuiskia uan amo Jehová? Tla ljkon omokuayejyekouayaj, okichijtokaj tlen amitlaj ipati. ljkon amo oui kichiuaskiaj tlen Satanás kipaktia. Tekiuajkej kichiuaskiaj ma kinueyichiuakan teotsitsintin. Yejuan uelis amo kineltokaskiaj toTajtsin Dios kinpaleuiskia, kineltokaskiaj teotsitsintin tlen okinchijchiuayaj ika kua-uitl uan ika tetl okachi kinpaleuiskiaj. Pero toTajtsin Dios okichijchi nochi tlamantli uan Pablo okijto “diosmeh non kinmachijchiwah, tikmatokeh amitla impati” (1 Cor. 8:4). Melauak teotsitsintin amitlaj inpati. ¿Ken uelis techpaleuskej tla amo tlachiaj, amo tlakakij uan amo tlajtouaj? Yejuan amo uelis techpaleuskej porque amo yoltokej, tla tikinueyichiuaj tiixpoliuiskej (Sal. 115:4-8).

14-20 DE MARZO

KEN TECHPALEUIA BIBLIA | 1 SAMUEL 14, 15

“Okachi ipati ma titetlakamatikan”

w07-S 15/6 pág. 26 párr. 4

Jehová kipatioita ma titetlakamatikan

⁴ Nochi tlen onka iaxka Jehová porque ye nochi okichijchi. Tla nochi iaxka, ¿kox itlaj

uelis tikmakaskej? Kema, uelis tikmakaskej itlaj tlen miak ipati. Uelis tikchuiaskej tlen ye kijtous: “Nokone xiyeto ixlamatki uan techyolpakti, ijkon niknankilis akin nechpinauia” (Proverbios 27:11). Tejuan uelis tiklakamatiskej toTajtsin Dios maski tlatlamantli otechiskaltijkej uan tlatlamantli toaltepe. Tla ijkon tikchiuaj, tikteititiskej Satanás san tlakajayaua porque ye kijtous tla titlajyouiskej ayakmo tiklakamatiskej toTajtsin Dios. ¿Se ueyi tlateochiualistli tikchuiaskej tlen toTajtsin Dios kineki!

w20.11 pág. 20 párrs. 4, 5

¿Moneki tikpatlaskej tlen tikchiuaj?

⁴ Tlen okipanok tekiua Saúl, techititia tlen uelis techpanos tla amo tiyolyamankej. Sapanoua omoueyineki, ik non, amo okinek kipatlas tlen omokuayejekekouaya uan tlen okichiuaya (Sal. 36:1, 2; Hab. 2:4). Ijkon omotak ijkuak Jehová okilui tlen omonekiaya kichuias ijkuak kintlaniliskia amalequitas pero Saúl amo okitlakamatki. Ijkuak profeta Samuel okilui tleka ijkon okichi, Saúl amo okiseli tlen okilui. Ye okijto amo tlajtlakoli tlen okichi uan okintlajtlakolti oksekimej (1 Sam. 15:13-24). Achto Saúl ijkon yokichijka (1 Sam. 13:10-14). Iyolo okikajkaya, ik non, omoueyineki. Amo okipatlak iyelis, ik non, Jehová okajuak uan ayakmo okiseli ken tekiua.

⁵ Para tikitaskesj kox tikchiuaj ken Saúl, moneki timotlajtlaniskej: “¿Nikijtous san tlen tlamantli para amo nikchuias tlen kijtous Biblia? ¿Nikijtous amitlaj nechpanos tla amo niktlakamati tlen kijtous Biblia? ¿Nikintlajtlakoltia oksekimej ijkuak nikchiua itlaj amo kuali?”. Tla ijkon tikchiuaj, moneki tikpatlaskej tlen timokuayejekekouaj uan noijki toyelis. Tlamo tikpatlaj tlen timokuayejekekouaj, peuas timoueyinekiskej uan Jehová ayakmo kinekis touan mouikas (Sant. 4:6).

Ma tiktemokan ken techpaleuia Biblia

w17.09 pág. 10 párr. 10

Ma titeiknomatikan ijkon ken Jehová

¹⁰ ¿Kijtosneki nochipa moneki titeiknomatiskej? Amo. Para tikajsikamatiskej, ma tikitakan keman Jehová amo oteiknomatki. Ijkuak ye okinauati Saúl ma kinmikti amalequitas uan inyolkauan, Saúl amo okimikti ueyi tekiua nion sekimej yolkamej. Uelis Saúl omokuayejekeko omonekiaya kinmiknomatis pero toTajtsin Dios ayakmo okinek ma tlanauati porque amo okitlakamatki (1 Sam. 15: 3, 9, 15). Jehová yolmelauak. Ye kita ken inyelis tlaltikpaktlakamej uan kimati keman amo moneki teiknomatis (Lam. 2:17; Ezeq. 5:11). Ayakmo miak poliui uan kinmixpolos akinmej amo kitlakamatij (2 Tes. 1:6-10). Ijkuakon amo kinmiknomatis akinmej amo yolkualmej uan kinmixpolos para kinmakixtis itekipanojkauan yolmelajkej.

21-27 DE MARZO

KEN TECHPALEUIA BIBLIA | 1 SAMUEL 16, 17

“Jehová techpaleuis”

w19.08 pág. 27 párrs. 2, 3

Techpaleuis tla titlaneltokaj

David sapanoa otlaneltokak (Heb. 11:32, 33). Pero ikalchanejkauan amo otlaneltokakej. Ma tikitakan tleka ijkon tikijtoaj. David okipiaya se ikni tlen omotokayotiaya Eliab, ye amo otlaneltokaya porque okajuak David ijkuak okitlajtlani tleka Goliat okinmixnamiktoka (1 Sam. 17:26-28). Ijkuak tinesij amo titlaneltokaj itech toTajtsin Dios nion techpanoltijaj totatajuan. David okipiaya chikauak itlaneltokilis porque kuali omouikaya iuan toTajtsin Dios.

Itech Salmo 27 itech versículo 1 kijtoa David okiteititi ken okachi opejki tlaneltoka itech

Jehová. Versículo 2 uan 3 kijtoa ye **omokuayejyekoaya** tlen okipanok uan tlen okinchiuili Jehová akinmej okikokoliayaj. Versículo 4 kijtoa David **okipatioitaya** itabernáculo Jehová. Versículo 6 kijtoa **okiueyichiuaya** Jehová iuan oksekimej israelitas. Versículo 7 uan 8 kijtoa nochipa **okitlatlaujtia-ya** Jehová ma kiyekana. Versículo 11 kijtoa David okiluiaya Jehová **ma kimachti** tlen ojtli kitokaskia. Versículo 13 kijtoa sapanoa okipatioitaya tlaneltokas porque tlammo amo okimatiaya kanin yetoskia.

w19.07 págs. 4, 5 párrs. 11, 12

Axkan ma timoyektlalikan porque techtlajyouiltiskej

¹¹ Moneki tiyetoskej tiyolchikauakej ijkuak techtlajyouiltiskej. ¿Tlen tikchiusaskej tla amo okachi tiyolchikauakej? Ma tikilnamiktokan amo tiyetoskej tiyolchikauakej porque tiuejkapantikej, tichijchikauakej noso tikmatij tikchiusaskej miak tlamantli. Ma tikitaskan tlen okichi David. Ijkuak okatka ok tsikitsin okixnamik se tlakatl uejkapantik tlen itoka Goliat. David okatka tsikitsin uan amo okatka chikauak ken non tlakatl. Noijki amo okimatiaya moteuis nion okipia-ya se espada. Pero ye okatka yolchikauak uan omoteuito iuan non tlakatl tlen sapanoa omoueyinekiaya.

¹² ¿Tleka David okatka yolchikauak? Porque ye okimatiaya Jehová okipaleuiaya (**xiktlaajtolti 1 Samuel 17:37, 45-47**). David amo omokuayejyeko ye amitlaj ipati ixpan Goliat. Ye omokuayejyeko Goliat amitlaj ipati ixpan Jehová. Tlen okipanok David techmachtia itlaj miak ipati. Tiyetoskej tiyolchikauakej tla tikneltokaj Jehová techpaleuis uan tla tikmatokej akinmej techkokoliaj amitlaj inpati ixpan toTajtsin Dios (2 Crón. 20:15; Sal. 16:8). ¿Tlen tikchiusaskej axkan

tla tiknekij tiyetoskej tiyolchikauakej ijkuak techtlajyouiltiskej?

w19.12 pág. 20 párr. 19

¿Kuali tikixmatij Jehová?

¹⁹ ¿Tlen techmachtia tlen okichi David? Amo san ma tikiluikan Jehová ma techpaleui. Noijki ma tikitakan ken techpaleuia uan keman kichiuu. Ma tiyetokan tiyolyamankej uan ma tikilnamiktokan amo nochi uelis tikchiusaskej. Ijkon Jehová techmakas tlen techpoloua. Ijkuak tiktaskej ken techpaleuia okachi iuan timouikaskej. Ijkon okipanok Isaac. Se tokni tlen chanti Fiyi uan yikipia miak xiuitl kitekichiuiljtok Jehová, okijto: “Ijkuak nikita ken nikpia nonemilis, nikita Jehová sapanoua yonechpaleui ijkuak opejki nimomachtia Biblia. Non nechpaleuia ma nikita Jehová melauak kajki”.

Ma tiktemokan ken techpaleuia Biblia

it-2-S pág. 975 párr. 1

Saúl

Ijkuak Jehová okipejpenki David ma yeto in-tekiua israelitas, iespíritu santo ayakmo okipaleui Saúl. Ijkuakon Jehová okika ma kipia “se espíritu amo kuali”, ik non, sapanoua omomojtiaya, Jehová okikixtili iespíritu santo, ik non, ayakmo omokuayejyekouaya ken omonekiaya nion amo kuali omomachilia-ya. Ijkuak Saúl amo okitlakamatki Jehová, okiteititi tlen okipiaya itech iyolo amo kuali okatka nion ken omokuayejyekouaya, ik non, iespíritu santo Jehová ayakmo okipaleuiaya uan opejki kichiuu tlen amo kuali. Jehová okikixtili iespíritu santo Saúl uan okika ma kipia “se espíritu amo kuali”, ik non, sapanoua omomojtiaya. Jehová okika ma kipia se espíritu amo kuali, ik non, itlakeualuan Saúl okijtouayaj okatka iespíritu toTajtsin Dios tlen amo kuali. Saúl okichi tlen okilui se itlakeual uan otlanaui David

ma kitlatsotsonili para moyolseuiskia uan kuali momachiliskia (1 Sam. 16:14-23; 17:15).

28 DE MARZO-3 DE ABRIL

KEN TECHPALEUIA BIBLIA | 1 SAMUEL 18, 19

“Amo ma timoueyinekikan tla itlaj kuali tikchiuaj”

w04-S 1/4 pág. 15 párr. 4

Ma tikneltokakan Jehová techpaleuis ijkuak itlaj mopatla itech tonemilis

⁴ Telpochtli tlen otlajpiaya itech nochi altepetl san niman opejki kixmatij. Okitlakejkej para ma kipaleui tekiua uan ma kitlatsotsonili. Okimikti Goliat maski okatka chikauak uan uejkapantik, nochtin soldados israelitas okinmojtia, ik non, amo iuan omoteuiayaj. David okinyekanki soldados uan okintlanili filisteos. Ik non, israelitas okitlasojtlayaj uan okitlakuikiliayaj. Se itlakeual tekiua Saúl yokijtojka David okimatiaya kitsotsonas arpa uan noijki okijto: “Amo momojtia tlateuis uan chikauak. Nochipa kimati tlen kijtos, kuali mokuayejejkoua” (1 Samuel 16:18; 17:23, 24, 45-51; 18:5-7).

w18.01 pág. 28 párrs. 6, 7

Mota akinmej kitekichiuliaj Jehová uan akinmej amo

⁶ Sekimej moueyinekij porque kualtsin motaj, miakej kinmixmatij, kualtsin tlakuikaj, sapanoa chikauakej noso miakej kinpatioitaj. David okipiaya nochi nin tlamantli pero nochipa okatka yolyamanki. Se neskayotl, ijkuak okimikti Goliat, ueyi tekiua Saúl okilui uelis monamiktiskia iuan ichpoch. Pero David okijto: “¿Akin ne, nokalchanejkauan uan inkalchanejkauan notajtsin tlen katej Israel para ma niyeto imo ueyi tekiua?” (1 Sam. 18:18). ¿Tlen okipaleui David ma yeto yol-

yamanki? Maski David okimatiaya kichiuas miak tlamantli, nochipa okilnamiktoka toTajtsin Dios yolyamanki, ik non, nochipa okipaleuiaya (Sal. 113:5-8). David okimatiaya Jehová okimakak nochi tlen okipiaya (xikita ika 1 Corintios 4:7).

⁷ Axkan tiitekipanojkauan Jehová timochijchikauaj tikchiuaskej ken David. Techtlajtlachialtia Jehová amo moueyineki maski ye ueyi tekiua itech nochi semanauak (Sal. 18:35). Ika nochi toyolo tiknekij tikchiuaskej tlen kijtoa Jehová: “Ximokemelokah ika nochi tlan nomechpalewis iwa xiteiknomatikah, xiktechiwilikah tlan kuali, ximotsikitsintilikah, xiyetokah nonyolyamankeh iwa xitexikokah” (Col. 3:12). Uan tikmatij akin tetlasojtla “amo xankuatl nion moweyilia” (1 Cor. 13:4). Ma tikilnamikikan ijkon ken tlakamej ‘non amo tlaneltokakeh, tlaneltokaskeh ijkuak kinmitaskeh kenijki tetlakitah’ insiuauan, oksekimej kinekiskej kixmatiskej Jehová tla kitaj tiyolyamankej (1 Ped. 3:1).

Ma tiktemokan ken techpaleuia Biblia

it-2-S pág. 727 párr. 1

Profeta

Ika iespíritu santo Jehová okinpejpenkej profetas, Jehová amo nochipa inmiuan omotlapouiaya para itlaj ma kijtokan. Biblia kijtoua toTajtsin Dios ualeua okinmaka-ya iespíritu santo para ma kimatikan tlen kijtoskej (Ezeq. 11:4, 5; Miq. 3:8). Non okinyoliniaya ma kijtokan tlen okinmatilti toTajtsin Dios (1 Sam. 10:10; Jer. 20:9; Amós 3:8). Amo san okichijkej tlen tetlajtlachialti, tlen okijtouayaj okiteititiaya tlen melauak okimachiliayaj. Tlen okichijkej okiteititi tlen okichiuaya se profeta (1 Sam. 10:6-11; 19:20-24; Jer. 29:24-32; xikita Hech. 2:4, 12-17; 6:15; 7:55). Yejuan nochipa okichiuayaj ika nochi inyolo tlen toTajtsin Dios okinmilui-

aya, ik non, xamo miakej okintlajtlachialtia-
 ya uan hasta okijtouayaj okuatlapolouayaj.
 Ijkon omokuayejyekojkej akinmej okinyeka-
 nayaj soldados ijkuak se tlakatl okiteititi to-
 Tajtsin Dios okipejpenki Jehú. Pero ijkuak
 okajsikamatkej okatka se profeta okinelto-
 kakej tlen okinmilui (2 Rey. 9:1-13; xikita
 Hech. 26:24, 25). Ijkuak Saúl okitemojtine-
 miaya David para kimiktis, okichi ken oki-
 chiuayaj profetas, okimokixtili itlaken non
 tonal uan non youak ijkon okatka. Ijkuak ij-
 kon opanok David ocholo (1 Sam. 19:18-
 20:1). Tlen okichi Saúl amo kijtosneki profeta-
 tas nochipa xipetstikej okatkaj porque Biblia
 amo ijkon kijtousa. Ompa kijtousa ome profeta-
 tas noiiki okatkaj xipetstikej porque ijkon
 okiteititijkej itlaj tlen okijtouaya profecía (Is.
 20:2-4; Miq. 1:8-11). Biblia amo kijtousa tle-
 ka Saúl okatka xipetstik non tonal, xamo
 okinekiaya kiteititis okatka se tlakatl ken okse-
 kimej uan xamo okimokixtili itlaken para
 kiteititis san Jehová okachi ueyititok noso
 xamo okse tlamantli okichi ijkon ma kichia.

4-10 DE ABRIL

KEN TECHPALEUIA BIBLIA | 1 SAMUEL 20-22

“¿Tlen uelis tikchuias para kual timouikas iuan oksekimej?”

w19.11 pág. 7 párr. 18

Axkan moneki kual ma timouikakan iuan toknuijan

¹⁸ Axkan miakej toknuijan noiiki kixnamikij
 ouijkayotl. Sekimej tlajyouiaj ijkuak tlaxixini,
 tlalolini noso onka se guerra. Tla ijkon panoa
 kanin tichantij, ma tikinkalotikan toknuijan.
 Oksekimej uelis kitemakaskej tomin. Pero ti-
 nochtin uelis tikiluiskej Jehová ma kinpale-
 ui toknuijan. Tla se tokni moyolkokoa xamo
 amo tikmatij tlen tikiluiskej. Pero tinochtin

uelis tikpaleuiskej. Uelis iuan timotlapouis-
 kej, ma tikkakikan ijkuak itlaj techtlapouia
 uan ma tikiluikan se texto tlen tejuan tech-
 yolchikaua (Is. 50:4). Pero miak ipati ma ti-
 mochijchikauakan ma tikipaleuikan tokni-
 uan ijkuak tlajyouiaj (**xiktlajtolli Proverbios
 17:17**).

w08-S 15/2 pág. 8 párr. 7

Ma tikchiuakan tlen Jehová kineki

⁷ *ToTajtsin Dios kineki nochipa ma tikipale-
 uikan toyolikniuan* (Prov. 17:17). Itelpoch te-
 kiua Saúl tlen omotokayotiaya Jonatán kuali
 omouikaya iuan David. Ijkuak okimatki oki-
 mikti Goliat, “omochijkej yoliknimej, uan Jo-
 natán opejki kitlasojtla ken ye motlasojtla”
 (1 Sam. 18:1, 3). Jonatán okilui itajtsin oki-
 nekiaya kimiktis, ik non, David ocholo uan
 ijkuak omotakej okimoluijkej nochipa mopa-
 leuiskiaj. Satepan maski Jonatán kipanoskia
 tlen amo kuali okipaleui David uan sate-
 pan oksepa okilui nochipa iuan mouikaskia
 (1 Sam. 20:24-41). Noiiki okilnamikti Jeho-
 vá nochipa kipaleuiskia (1 Sam. 23:16-18).

w09-S 15/10 pág. 19 párr. 11

**¿Tlen techpaleuis nochipa ma timouikakan
 iuan toyolikniuan?**

¹¹ *Nochipa ma tikipaleuikan*. Salomón okij-
 kuilo: “Se melauak toyolikni nochipa kiteiti-
 tia techtlasojtla uan ye se tokni tlen kajki ij-
 kuak timoyolkokouaj” (Prov. 17:17). Ijkuak
 Salomón non okijkuilo, xamo omokuayejye-
 kojtoka ken omouikaya itajsin iuan Jona-
 tán, itelpoch tekiua Saúl (1 Sam. 18:1). Saúl
 okinekiaya Jonatán ma yeto tekiua. Pero
 Jonatán okiseli ma yeto tekiua David por-
 que Jehová okipejpenki. Jonatán amo oki-
 nexikolitak David ijkon ken Saúl okichi. No-
 iiki amo okualanki ijkuak okitaya oksekimej
 okachi okitlakaitayaj David, amo okinelto-
 kak ijkuak Saúl okijto tlen amo melauak
 itech David (1 Sam. 20:24-34). ¿Tikchiuaj

ken Jonatán? ¿Tiyolpakij ijkuak toyolikni-
uan kinmiluiaj okachi ma tlapaleuikan itech
tlanechikol? ¿Tikinpaleuiaj uan tikinyolchi-
kauaj ijkuak tlajyouijtokej? ¿Tlen tikchiuaj ij-
kuak oksekimej kijtoug itlaj okichijkej maski
amo melauak? ¿San niman tikneltokaj tlen
techiluiaj noso tikinpaleuiaj ijkon ken okichi
Jonatán?

Ma tiktemokan ken techpaleuia Biblia

w05-S 15/3 pág. 24 párr. 4

**Tlen okachi ipati omotlajtolti itech Prime-
ro de Samuel**

21:12, 13. Jehová kineki kuali ma timokua-
yejyekokan uan ma tikchiuakan tlen moneki
ijkuak techpanos tlen amo kuali. Otechma-
kak iTlajtola para kuali ma tikpejpenakan tlen
tikchiusaskej uan ma tiyetokan tiixtlamatkej
(Proverbios 1:4). Noijki katej toknluan tlaye-
kankej tlen uelis techpaleuiskej.

18-24 DE ABRIL

**KEN TECHPALEUIA BIBLIA | 1 SAMUEL
23, 24**

**“Ma tikchiakan Jehová ma kiyektlali
tlen techpanotok”**

w16.04 pág. 14 párrs. 15, 16

**“Xiktemolikah kenijki nontlaxikoskeh asta
iksemi”**

¹⁵ Jehová okinauati Santiago ma kijkuilo:
“Xiktemolikah kenijki nontlaxikoskeh asta ik-
semi”. ¿Tlen panos tla ijkon tikchiuaj? San-
tiago okijkuilo: “Ijkó nonyetoskeh okachi non
kualteh iwa nonkichiwaskeh nochi tlan no-
mechnawatiskeh” (Santiago 1:4). Ijkuak tik-
piaj ouijkayotl mota kox moneki okachi ma
titetlasojkamatikan, ma timochiakan noso
ma tikintlasojtlakan oksekimej. Tla tikxikoaj
ouijkayotl, okachi kuali tikpiaskej toyelis uan
tikchiusaskej ken Cristo.

¹⁶ Ijkuak titlaxikoaj, okachi tikchiuaj ken Cris-
to. Ik non, amo tiknekij tikinmixtopeuaskej
principios bíblicos san pampa ayakmo tikpi-
askej ouijkayotl. Se neskayotl, ¿tlen uelis
tikchiusaskej tla timochijchikajtokej pampa
ayakmo timokuayejyekoskej itech auilnemi-
listli? Moneki timotlatlaujtiskej uan timochij-
chikauaskej ayakmo ijkon timokuayejyekos-
kej. Ijkon okachi kuali tikmoxikoltiskej. ¿Uan
tla se tokalchanejka amo kineki ma tikteki-
chiuilikan Jehová? Amo ma timosotlauakan,
okachi kuali, ma tiktekichiuilikan Jehová ika
nochi toyolo. Ijkon okachi itech titlanelto-
kaskej. Ma tikilnamikikan: pampa Jehová
techselis, moneki titlaxikoskej (Romanos 5:
3-5; Santiago 1:12).

w04-S 1/6 pág. 22 párrs. 5, 6

¿Tlen tikchiuaj ijkuak itlaj techpanoua?

Eyi, techmachtia ma tikneltokakan Jehová
techpaleuis uan amo ma tikchiuakan tlen
amo kijtoug Biblia. Santiago okijto: “Iwan
xixxikokan kuale para ijkón anyeskej antla-
kaj katlej ankipiaskej nochi ajsitok namotla-
neltokalis iwan namotlalnamiikilis, iwan ijkón
ankipiaskej nochi tlan moneki para anyeskej
ken Dios kineki” (Santiago 1:4, *NHY*). Para
okachi titlaneltokaskej itech Jehová moneki
titlaxikoskej uan amo ma tikchiuakan tlen
amo kijtoug Biblia para ayakmo titlajyouis-
kej. Ijkon tikteititiskej melauak titlaneltokaj
itech Jehová. Ijkon okiteititijkej José uan
David. Ijkuak otlayyouijtoug amo okijtojkej
kichiusaskej itlaj tlen amo kuali para ayak-
mo tlajyouiskej. Okineltokakej Jehová kinpa-
leuiskia uan ye okintechi. Okichi ma kipale-
uikan uan ma kinyekanakan ialtepe (Génesis
41:39-41; 45:5; 2 Samuel 5:4, 5).

Xamo tejuan noijki techpanos tlen amo kua-
li uan xamo amo tiknekiskej tikchiusaskej
tlen kijtoug principios bíblicos para san ni-
man tikyektaliskej tlen techpanotok. ¿Xamo

timoyolkokoua porque ayamo tikajsi iuan akin timonamiktis? Tla ijkon mitspanotok, amo san niman ximokuayejyeko timonamiktis iuan akin amo “kineltoka Toteke Dios” (1 Corintios 7:39). ¿Ayakmo kuali timouika iuan akin otimonamikti? Xikitakan ken nankiyektlaliskej tlen namechpanotok uan amo san niman ximoxelokan noso ximokajkauakan inmixpan tekiuajkej ken sekimej kichiuaj (Malaquías 2:16; Efesios 5:21-33). ¿Tikita oui tikinmakas mofamilia tlen ika mopanoltis porque amo tikpia miak tomin? Tla tikneltoka Jehová mitspaleuis, amo tikchius tlen amo kuali para tikpias tomin (Salmo 37:25; Hebreos 13:18). Maski titlajyouiaj ma tikchiuakan tlen toTajtsin Dios kineki, ma tikneltokakan ye techpaleuis uan ijkon ye techteochius (Miqueas 7:7).

Ma tiktemokan ken techpaleuia Biblia

w17.11 pág. 27 párr. 11

Amo ikaj ma techkixtili totetliokolil

¹¹ Para amo tichauatiskej moneki titetlasojtlaskej ika nochi toyolo. Ijkon kijtoa iTlajtol toTajtsin Dios: “Akin tetlasojtla, kimati texikoa; semi yolyámanki iwa amo xikojmiki; amo xankuatl” (1 Cor. 13:4). Para amo titenexikolitaskej, moneki timokuayejyekoskej ken Jehová. Moneki ma tikinmajsikamatikan tokniuian akinmej pouij itech tlanechikol. Biblia kijtoa: “Iwa tla se tokxi noso se toma okachi tikmokuitlewiah, nochi tokuerpo mokawa ika pakílistli” (1 Cor. 12:16-18, 26). Ik non, amo ma tichauatikan, okachi kuali, ma tiyolpakikan ijkuak oksekimej itlaj kuali kiselaj. Ma tikilnamikikan Jonatán, ikone Saúl. Ye amo ochauatik ijkuak Jehová okipejpenki David para yetoskia ueyi tekiua. Okachi kuali, okipaleui David, okiyolchika uan okitlasojtlaya (1 Sam. 23:16-18). ¿Uelis tikchiusaskej ken Jonatán?

25 DE ABRIL-1 DE MAYO

KEN TECHPALEUIA BIBLIA | 1 SAMUEL 25, 26

“¿San niman itlaj tikchiua porque tikualani?”

w17.06 pág. 21 párrs. 2, 3

“Kuali ken timokuayejyekoa”

David okixmatki Abigail ijkuak Saúl okite-mojtinemiaya. Abigail omonamikti iuan Nabal, se tlakatl tlen sapanoa okinpiaya yolka-mej tlen okatkaj ik sur itech Judá. David uan itlakeualuan okinmaluiayaj itlakeualuan Nabal tlen otlajpiayaj. Ik non, David okintitlan-ki sekimej tlakamej ma kitlajtlanilitij tlakuali (1 Sam. 25:8, 15, 16). Amo san okitlajtlani-lijtoj tlakuali, yejuan okimaluijtokaj tlen iaxka Nabal.

Pero Nabal okichi ken itoka, tlen kijtosneki xoxo. San okiuijuikalti David ijkuak okinankili. Ik non, David omoyektlali para kitlajyoyuiliti. Tlen okijto Nabal kichiuaskia nochtin ikalchanejkauan ma tlajyouikan (1 Sam. 25:2-13, 21, 22).

w19.10 pág. 23 párr. 10

Jehová techpaleuia ma tiktekichiuilikan

Tekiua David uan itlakeualuan omonekiaya ma kinpaleuikan ijkuak tekiua Saúl okinekiaya kinmiktis. Ik non, se tonal itlakeualuan David okiluitoj Nabal tlen okipiaya miak tomin, ma kinmaka tlakuali. Okitlajtlanilitoj porque okinmaluiliayaj ichkauan ompa kanin tlaauaki. Pero Nabal okatka tsotsokatl uan amitlaj okinmakak. Ik non, David sapanoa okualanki uan okinekiaya kimiktiti Nabal uan nochtin akinmej okatkaj ompa ikalijtik (1 Sam. 25:3-13, 22). Pero Abigaíl tlen okatka isiua Nabal okatka ixtlamatki uan itlaj okichi. Ye okinamikito David, ixpan omotlankuaketski uan okilui amo ma momakopa

porque tlamó tlajtlakolchihuaskia. Okilui ma kikauili Jehová ye ma kiyektlali non ouijka-yotl. Tlen Abigaíl okilui David okipaleui amiltaj ma kichuua uan okajsikamatki ye Jehová okititlanki (1 Sam. 25:23-28, 32-34). Abigaíl okipiaya kuali iyelis uan non okipaleui ma kichuua tlen Jehová kineki. Jehová noiiki uelis kinpaleuis tokniuan siuamej ma kimatikan ken kinyolchikauaskej uan kinmajsikamatiskej akinmej inmiuan chantij uan tokniuan (Prov. 24:3; Tito 2:3-5).

Ma tiktemokan ken techpaleuia Biblia

ia-S pág. 80 párr. 16

Se suatl tlen kuali omokuayejyeko

¹⁶ ¿Kijtosneki Abigaíl amo okitlakamatia-ya inamik? Amo. Ma tikilnamikikan miakej tlakamej uelis kinmiktiskiaj porque Nabal amo okitlakaitak David akin Jehová okipejpenki ma yeto tekiua. Tla Abigaíl amiltaj kichihuaskia, kiteititiskia okipaleuijtoka tlen amo kuali okichijtoka inamik. Pero ye amo ijkon okichi, okimatiaya omonekiaya kitlakamatis toTajtsin Dios uan amo inamik.

